

KAROLI MAGNI IMPERIVM.

formula-juramenti, qua Karolus Calvus Rex Francorum, Ludovici Pii filius, usus est. Sic enim ipse jurasse dicitur: *In Godes minna, ind durch-tes Christianos folches, ind unser bedhero gehaltnissi, som thesemo dage framordes, so mie Got giwiz inde mahd furgibit, so bald ich thisan minam bruodber Ludhewig, sofo man mit rebln sinam brodhare soal, inthun thaz er mig sofo maduo, indi mit Ludherem in notb in cheino theing ne gegango, the minam willon imo ce scadhen werben.* Legitur apud Nithardum libro 111 de diffidio filiorum Ludovici Pii, qui & aliud ad-

fert juramentum, quod à Francorum populo tunc exactum est. Ex quibus omnibus apparet, veterem & propriam Francorum linguam fuisse Germanicam, sive Teutonicam, plenam aspirationum, & gravius anhelatam: ut in Hludovicus, Hlotarius, Hturons Habajocas, aliifque apparet, quæ politiores interdum, adjec-tione literæ C, emollire studuerunt, ut in his, Chlodovicus, Chlodovæus, Chlotarius, Chlo-thildis.

